



Inatsisartuni ilaasortaq Per Rosing-Petersen
Partii Naleraq

**Innuttaasunik assigiinngisitsisoqarnera pillugu § 37 naapertorlugu apeqqutinut
nr. 2017-125-ip akissutit**

10-04-2017
Suliap nr. 2017 - 7199
Takussutissiaq id. 4866205

Apeqqutinut nassiunneqartunut qujanaq.

- 1. Ippassaq radioaviisimi Naalakkersuisuni ilaasortaq Sara Olsvig ilaatigut imaut issuarneqarpoq: "Atorfinni assigiinni suliata assigiit suliarisaritillugit, akisarsiat soorunami assigiittariaqarput. Tamannalu ilungersuullugu aqqiiviginissaa anguniarneqassasoq danskit naalakkersuisuinut saaffiginnissutigaa-ra."**

Postboks 260
3900 Nuuk
Oqarasuaat (+299) 34 50 00
Fax (+299) 34 66 66
E-mail: inilian@nanoq.gl
www.naalakkersuisut.gl

Nunatsinni innuttaasunik assigiinngisitsisoqarnera pillugu § 37 naapertorlugu apeqquteqaammut nr 221 Oktobarip arfernanut 2016-mi ullulerneqarsimasumut qanoq naapertuutsigaa?

Apereqqillanga, Nunatsinni sumi inungorsimaneq/etnicitet tunngavigalugu innuttaasuni assigiinngisitsisoqarnera (De facto segregation) nunatsinni suli atuuppaa?

Soorlu § 37 naapertorlugu apeqqummut nr. 2016-221-imi akissutigineqartumi oqaatigineqartoq Kalaallit Nunaanni ullumikkut innuttaasunik sukkuluunniit assigiinngisitsisineq pitsaaliorniartugit malittarisassaarpoq. Uani pineqartumi atorfillit ataasimik sulisitsisullit (qallunaat naalagaaffiani) assigiinngisinnerarnerat pineqarpoq, tassani apeqqutaalluni Kalaallit Nunaanneersuuneq Danmarkiminngaaneersuunerluunniit.

Soorlu § 37 naapertorlugu apeqqummut nr. 2016-061-imut akissummi oqaatigineqartut sulisartoqarnermi sulisunut tunngatillugu sulisitsisunillu akissarsiatigut pissutsit isumaqatiginninniarartut oqartussaaffigineqarpoq. Soorlu issuakkami kiisalu § 37 naapertorlugu apeqqummut nr. 2016-061-imut akissutigineqartumi takuneqarsinnaasoq, isumaqatigiissutini/isumaqatigiissutinut suliani assigiinngisitsisineq isumaqatigiissutigineqassanngitsoq kaammattuutigineqarpoq.

Taamaalilluni § 37 naapertorlugu apeqqutit 2016-221 innuttaasunik assigiinngisitsisineq pillugu aamma 2017-061 politiini akissarsiat assigiinngitsuunerat pillugit apeqqutit oqaaseqaallu issuarneqartoq imminnut ataqatigiipput.

Soorunami assigiinngisitsinnermut Naalakkersuisut akerliupput.

Innuttaasunik assigiinngisitsisineq nunani illoqarfinniluunniit innuttaaqatigiinnik kulturiniluunniit immikkoortitsinnermut taaguutaavoq. Soorlu imaassinnaavoq inuiaqatigiinnik

kulturimut pingaarnermut tunngatillugu immikkoortitsineq, imaluunniit inuttut atukkatigut assigiinngissuseq tunngavigalugu immikkoortitsineq.

"Piffissaq, najugaq, qassinik ukioqarneq, sumi inunngorsimaneq, arnaaneq angutaaneq, nunap immikkoortui isertitallu qanoq ittueneri malillugit agguaqatigiissillugit isertitat" pillugit Naatsorsueqqissaartarfimmiiit paasissutissat § 37 naapertorlugu apeqqummut ilanngunneqarsimapput. Paasissutissat taakkua ersersippaat angutit Kalaallit Nunaata avataani inunngorsimasut angutillu Kalaallit Nunaanni inunngorsimasut isertitai assigiinngitsuusut. Taakkua isertitat assigiinngissutaannut tunngaviusinnaavoq ilinniarsimassutip qaffasissusianik, suliffeqarnermut attuumassuteqarnermik, najukkami pissutsinut il. il., kalaallinilu inuiaqatigiinni immikkoortiterinertut assigiinngisitsinermullu ersiutitut isigineqarsinnaangillat.

Allatigut § 37 naapertorlugu 2016-221 innuttaasunik assigiinngisitsineq pillugu aamma 2017-061 politiini akissarsiat assigiinngitsuunerat pillugit apeqqutinut akissutit innersuunneqarput.

Inussiarnersumik inuulluaqqusillunga



Sara Olsvig